

## Mbunda - Munzinzime Wakujela Visoneka - Holy Spirit Scriptures

Kutuuka 35:31 Njambi namushulisa na Munzinzime wendi, namwana vutongwe, nakunanguka, nakuzivisia a cipangi coshe ca vutongwe,  
Kulava 11:25 Asinoni Shukulu Kalunga washulukile asi mu lishelwa  
nakwendeka na Mosesa. Co Shukulu Kalunga wanonele ku Munzinzime uje  
wakele ali Mosesa nakuupangezela ali vaje vantwama makumi atanu na  
avali. Omo Munzinzime wakele ali vakevo, vambulwile ngwe vaka-  
kwimanena, oloni kuyapwile simbu yakama.

1 Samwele 10:6 Co Munzinzime wa Shukulu Kalunga ukaija na nzili ali yove,  
ukambulula vuka-kwimanena amo navo, co ukafwa ngwe munu weka.

2 Samwele 23:2 Munzinzime wa Shukulu Kalunga alinakwendekela muli yange,  
majwi endi ali a ndaka yange.

Yombi 33:4 Munzinzime wa Njambi ukewo wanxitangele, co muku wa Muka-nzili  
yoshe ukewo wanjanene mwonyo.

Isaya 11:2 Munzinzime wa Shukulu Kalunga ukamwana mana, nakuzivuka na  
kulongwa mukushwana vanu vendi. Ikeye akazivuka cizango ca Shukulu  
Kalunga co akamusingimika,

Mika 3:8 Oloni ngeci mwange, Shukulu Kalunga nanjishulisa na munzinzime  
wendi na nzili yendi, nakunjana mana a vushunga nakusimpa mukuleka vanu  
va mu Isalele vuvi vwavo muvwafwa.

Zakaliya 4:6 Co kangelo wanjilekele kwambulula majwi awa kuli Zelumbambele  
akutunda kuli Shukulu Kalunga ngwange Shukulu Kalunga nendeka ngwendi,  
“Yove ukahiana, kesi na nzili ya vushwalale nambe na nzili yove vavenya  
embwe, oloni na Munzinzime wange.

Mateo 12:28 Kesi Mbelezembulu ikeye akanjana nzili yakutundisa minzinzime  
yakujwala embwe, oloni Munzinzime wa Njambi ikeye njikatundisa nendi  
minzinzime yakujwala, muzivuke ngeci Vumwene vwa Njambi vunete kuli  
yeni vene.

Mateo 28:19 Ngecivene, yeni oni, ku miyati yoshe nakuvapwisa vandongisi  
vange, vambwitikeni mu lizina lya Tate, na Mwana, na Munzinzime Wakujela.

Mako 1:10 Co vwasi-vwasi omo watumukile mu mema, wamwene lilu  
linashokoloka, co Munzinzime watundile mwilu watongamene ali ikeye ngwe  
katela.

Mako 13:11 Co omo vakamikwata nakumitwala ku vimbanja, kesi mukalinyenge  
nakuyongola ngweni vika tukendeka, oloni omo simbu inete, mukendeka  
vyoshe vivakamyana. Omwo majwi amukendeka kesi ngwe eni embwe, oloni  
akatunda kuli Munzinzime Wakujela.

Luka 2:26 wamulekele ngwendi kakatsi kuvanga namono Wakuvwavesa uje

yakulaesele Shukulu Kalunga.

Luka 4:1 Yesu akushula na Munzinzime Wakujela, watundile ku Ndonga ya

Yondau, co Munzinzime wamutwamenenene mu mambo,

Luka 4:18-21 "Munzinzime wa Shukulu Kalunga ali muli yange, omwo

nanjangula kwambulula Viñanda Vyavivwa kuli tuutu. Nanjitumu kwambulula kupatuka kuli vinzinda, nakutonesa tupuputwa ngeci vamone, nakupatula vaje vavalinakuyandesa, 19 nakwambulula ngeci simbu inete omo Shukulu Kalunga akapatula vanu vendi." 20 Yesu wafwikile lije livulu, walyanene lalo kuli muka-kunyunga, co watumbamene. Vanu voshe vakele muje mu sinangonge vamukengele shwii, 21 omo wendekele kuli vakevo ngwendi, "Lyangununo lyo visoneka evi lelo linapwisamo ku mesho eni, ngwe omo munazivi valinakulilava."

Luka 12:11,12 "Omo vakamitwala nakumisompa mu masinangonge avo nambe ku mesho a vanguvulu, nambe kuli vaka-kushwana, kesi mushote vimbunge vyeni ngweni tukalyamena vati nambe vatijo tukendeka. 12 Omwo Munzinzime Wakujela akaminangula mumunapande kwendeka a simbu ije vene."

Yowano 7:38,39 Ngwe muje muvyendeka visoneka ngwavyo, 'Woshe akulaela kuli yange, mu mbunge yendi mukatuuka vindonga vy a mema a mwonyo.' " 39 Yesu wendekele evi ali Munzinzime Wakujela uje uvakatambula vaje vanakulaela kuli ikeye. A simbu ije Munzinzime Wakujela te kanda vacimutambule, omwo Yesu te kanda asanguke ku vumpau.

Yowano 14:16,17 Co njikalomba kuli Tate, co akamyana Mukwasi weka, uje akakala neni ku myaka yoshe. 17 Ikeye Munzinzime wa vushunga, uje asholola vushunga vwa Njambi. Vaka-kaye kuvasa kumutambula, omwo kuvasa kumumona nambe kumuzivuka. Oloni yeni mumuzivuka, omwo wakala neni, co ali muli yeni.

Yowano 14:26 Oloni Mukwasi, ikeye Munzinzime Wakujela, uje yakatuma Tate mu lizina lyange, akamilongesa vyuma vyoshe nakumyanukisa vyuma vyoshe vije vinjinamileka.

Yowano 16:7,8 Oloni mwa vushunga njimileka ngwange, mwamuvwa kuli yeni ngeci yange njiye, omwo nga kunjii, Mukwasi kakaija kuli yeni. Oloni nga njiya, co njikamutuma kuli yeni. 8 Co omo akaija, akavayesa vaka-kaye a vuvi, na a vushunga, na a cihiso ca Njambi.

Yowano 16:13-15 Omo Munzinzime akaija, uje akasholola vushunga vwa Njambi, akamitwamenena mu vushunga vvoshe. Omwo kakendeka mu nzili yendi embwe, oloni akendeka vije aziva nakumileka vyuma vikaija kulutwe. 14 Akanjana vumpau, omwo akaziva vije vinjikendeka nakuvyambulula kuli yeni. 15 Vjoshe vyali navyo Tate vinapu vyange, ngecivene, mukemwo njinendeka ngwange Munzinzime akambata vije vinjimuleka nakuvyambulula kuli yeni.

Yowano 20:21,22 Yesu wendekele lalo kuli vakevo ngwendi, "Kwoloka kukale nen. Ngwe omo Tate wanjatumine, ngecivene, nange lalo njimituma." 22 Co omo wamanesele kwendeka evi, asinoni wahwiminininine ali vakevo wendekele ngwendi, "Tambuleni Munzinzime Wakujela.

Vilinga vya Miluwa 1:2 nakweta a litangwa lije vamutwalele mwilu. Simbu kanda vamutwale mwilu, washikile na nzili ya Munzinzime Wakujela vanalume vaje vaangwile kupwa miluwa vendi.

Vilinga vya Miluwa 1:5 Yowano wambwitikile na mema, oloni a matangwa amandondo lika vakamimbwitika na Munzinzime Wakujela."

Vilinga vya Miluwa 1:8 Oloni omo Munzinzime Wakujela akiija ali yeni, mukashula na nzili, co mukapwa vakaleo vange mu Yelusalema na mu Yundeya na mu Samaliya mwoshe, na ku mamaneselelo a asi."

Vilinga vya Miluwa 2:1-4 Omo litangwa lya Pentekosita\* lyetele, vaka-kukulaela voshe vakungulukile mu mwela umolika. 2 Vwasi-vwasi kwilu kwatundile cililimo ngwe kuhuwa kwa lihunzi lyakama, co cashulisile njuvo yoshe muje muvatumbamene. 3 Asinoni vamwene vije vyafwile ngwe vindaka vya milangi ya tuhya vyalyangunukile, co vyakele ali umo na umo. 4 Co voshe vashulile na Munzinzime Wakujela, co vashangumukile kwendeka mu vindaka vyeka ngwe omo Munzinzime wavasesele ngeci vendeke.

Vilinga vya Miluwa 2:17-19 'Njambi alinakwendeka ngwendi, Evi vikevyo njikalinga ku matangwa akukotoka, njiketila Munzinzime wange ali munu na munu. Vana veni va vanalume na ava va vanakazi vakambulula vuka-kwimanena, co vakwenje veni vakamona vimona, co tukulukazi veni vakalota vinjozi. 18 Eyo, nameme ali vangamba vange, va vanalume na ava va vanakazi, ku matangwa aje njiketila Munzinzime wange, co vakambulula vuka-kwimanena. 19 Co njikalinga vikomokeso mwilu na vizivukiso ano asi. Kukakala kwitila maninga, tuhya, na vwisi vwakama, (Njwele 2:28,29)

Vilinga vya Miluwa 2:33 Ikeye namusangwila ku livoko lya cilyo lya Njambi, Ishe, co natambula Munzinzime Wakujela kuli ikeye, ngwe muje mwakulaesele. Vije mulinakumona ololo nakuziva vinapu vwana vwendi vuje netila ali yetu.

Vilinga vya Miluwa 2:38 Co Petulu wendekele kuli vakevo ngwendi, "Munu na munu napande kutenguluka ku vivi vyendi nakumumbwitika mu lizina lya Yesu Kilistu, ngecivene, amisambese ku vivi vyeni, co mukatambula vwana vwa Njambi, Munzinzime Wakujela.

Vilinga vya Miluwa 4:31 Co omo vamanesele kulombela, mwela uje vakungulukilile wajajele. Co voshe vashulile na Munzinzime Wakujela, co vambulwile lijwi lya Njambi nakusimpa.

Vilinga vya Miluwa 8:15-17 Omo vetele kuje, valombelelele vaje vaka-kukulaela ngeci vatambule Munzinzime Wakujela. 16 Omwo Munzinzime Wakujela te kanda ashulukile ali vakevo, oloni vavambwitikile lika mu lizina lya Mwene Yesu. 17 Asinoni Petulu na Yowano vavakambekele mavoko, co vatambwile

Munzinzime Wakujela.

Vilinga vya Miluwa 8:39 Omo vajavulukile mu mema, Munzinzime wa Shukulu Kalunga watwalele Filipu kweka. Co uje mukulunu kamumwene lalo, oloni waile vungenzi vwendi nakuvwaelela manene. (1 Vimyene 18:12)

Vilinga vya Miluwa 9:31 Ngcivene, vikungulukilo vyoshe mu Yundeya na mu Ngalileya na mu Samaliya vakele na simbu ya kwoloka. Akukwasa kwa Munzinzime Wakujela vikungulukilo vyakolele nakuliwezelela, ngwe akuyoya kwavo mukukomoka Mwene.

Vilinga vya Miluwa 10:44,45 Omo Petulu acili nakwendeka, Munzinzime Wakujela washulukile ali voshe vaje vakele nakutolilila muzimbu wendi. 45 Co vaje vaYunda vaka-kukulaela vezile amo na Petulu kutunda ku Yopa valikomokelele omwo Njambi wetilile vwana vwendi vwa Munzinzime Wakujela ali vaje kesi vaYunda lalo.

Vilinga vya Miluwa 11:15 Co omo njashangumukile kwendeka, Munzinzime Wakujela washulukile ali vakevo ngwe mwashulukilile ali yetu lalo akulivanga.

Vilinga vya Miluwa 13:52 Co vaka-kukulaela mu Antyoke vashulile nakuvwaelela na mu Munzinzime Wakujela.

Vilinga vya Miluwa 19:6 Paulu wakambekele mavoko endi ali vakevo, co Munzinzime Wakujela wezile ali vakevo, vendekele mu vindaka vyeka, co lalo vambulwile muzimbu wa Njambi.

Vilinga vya Miluwa 20:23 Njazivuka lika ngwange mu nganda mwoshe Munzinzime Wakujela nanjinangula ngwendi kamenga na vukalu vinanjivandamina.

Loma 5:5 Co cinyangavili eci kucasa kutuzivisa shwamwa, omwo Njambi netila cizemo cendi mu vimbunge vyetu ali Munzinzime Wakujela, ikeye napu vwana vwa Njambi kuli yetu.

Loma 8:9 Oloni yeni kumwesi mu vusitu, oloni muli mu Munzinzime, nga Munzinzime wa Njambi akala muli yeni. Woshe uje kesi na Munzinzime wa Kilistu, co Kilistu kesi muli ikeye.

Loma 8:13-16 Omwo nga moyoyela mu vusitu, co mukatsa vene, oloni nga ali Munzinzime mutsiya vilinga vyeni vyavivi, co mukayoya. 14 Omwo voshe vaje Munzinzime wa Njambi alinakuvatwamenena vanapu vana va Njambi. 15 Omwo Munzinzime uje wanamyana Njambi kamipwisile mu vindungo ngeci mukale na lyova, oloni Munzinzime namipwisa vana va Njambi, co na nzili ya Munzinzime tulinakutambeka kuli Njambi ngwetu, "Tate! Tatetu!" 16 Munzinzime wa Njambi unalitombola na munzinzime wetu mukusholola ngeci tunapu vana va Njambi.

Loma 8:26 Mu ngila eyi vene Munzinzime aija nakutukwasa mukuzeya kwetu. Omwo kutuzivuka vati tunapande kulombela, oloni Munzinzime akalambelela kuli Njambi na majwi akukemanga aje kutwasa kutumbula.

Loma 15:13 Co Njambi, nsina ya cinyangavili, amishulise nakuvwaelela kwoshe

na kwoloka omwo akukulaela kweni, ngeci cinyangavili ceni cikole mu nzili ya Munzinzime Wakujela.

Loma 15:19 na nzili ya vizivukiso na vikomokeso, na nzili ya Munzinzime wa Njambi. Ngecivene, mukwenda kutunda ku Yelusalema nakweta ku llikyume, njinamanesa kwambulula Viñanda Vyaviwa via Kilstu.

1 Kolinte 2:10-13 Oloni Njambi natusholwela vyakushwekesa ali Munzinzime wendi. Munzinzime akashakezeka vyuma vyoshe, nameme vizango via Njambi vyakulova. 11 Omwo Munzinzime wetu lika uje ali muli yetu ikeye lika azivuka vyetu vyoshe, mu ngila eyi vene, kuvanga Munzinzime wa Njambi ikeye azivuka vyoshe via ali Njambi. 12 Kutwatambwile munzinzime wa ano a kaye embwe, oloni tunatambula Munzinzime uje utunda kuli Njambi, ngeci tuzivuke vyoshe vije vyanatwana Njambi. 13 Ngecivene, kutwendeka na majwi a vilongesa via mana a vanu, oloni na majwi aje atulongesa Munzinzime, omo tulumbununa vushunga vwa munzinzime kuli vaje vali na Munzinzime.

1 Kolinte 3:16 Mwa vushunga mwazivuka ngeci munapu Njuvo ya Shukulu Kalunga na Munzinzime wa Njambi alinakuyoya muli yeri!

1 Kolinte 6:11 Vamo veni mwafwile ngacije. Oloni vanamijelesa ku vuvi, vanamikundika kuli Njambi, vanamipwisa vaka-vushunga ku mesho a Njambi ali Mwene Yesu Kilistu na ali Munzinzime wa Njambi yetu.

1 Kolinte 12:3 Ngecivene, njishaka muzivuke ngweni naumo wai uje yatwamenena Munzinzime wa Njambi endeka ngwendi, "Yesu apwe wakusinga!" Co lalo naumo wai asa kulitavela ngwendi, "Yesu ikeye Mwene," kuvanga Munzinzime Wakujela amutwamenene.

2 Kolinte 3:17 Co ololo liji "Mwene" mu majwi awa linemanena Munzinzime, co kuje kuli Munzinzime wa Mwene, kukekwo kuli kupatuka.

2 Kolinte 13:14 Kutetela kwa Mwene Yesu Kilistu na cizemo ca Njambi na kulitombola kwa Munzinzime Wakujela vikale nenii voshe.

Ngalatiya 4:6 Mukumwesa ngeci yeri munapu vana vendi, Njambi watumine Munzinzime wa Munendi mu vimbunge vyetu, Munzinzime uje mukakutambeka ngwendi, "Tate, Tate."

Efeso 1:13,14 Ngecivene, neni lalo mwawpwe mu vanu va Njambi omo mwazivile liji lya vushunga, Viñanda Vyavivwa vije vyaminenele kwovoka. Mwakulaelele muli Kilistu, co Njambi namyaka cizivukiso cakupwa muvendi akumyana Munzinzime Wakujela uje yamikulaesele. 14 Munzinzime ikeye cishimbikiya ngeci tukatambule vije Njambi nakulaesa vanu vendi, co tunasimpi ngeci Njambi akana kupatuka kwamutunu kuli vaje vanapu vendi. Tulemeseni vumpau vwendi!

Efeso 2:18 Ali Kilistu yetu voshe, vaYunda na vaje kesi vaYunda, tunasa kwija mu Munzinzime umolika ku mesho a Tate.

Efeso 4:30 Co kesi muviiilise Munzinzime Wakujela wa Njambi, omwo

Munzinzime Wakujela wapwa cimweso ca Njambi ca vundambo ali yeni, napu cishimbikiya ngeci litangwa likaija omo Njambi akamipatula.

1 Tesalonika 4:8 Ngcivene, woshe uje avyana vilongesa evi kavyana munu, oloni alinakuvyana Njambi, uje akamyana Munzinzime wendi Wakujela.

1 Tesalonika 5:19 Kesi muzime Munzinzime Wakujela,

2 Tesalonika 2:13 Tunapande kukandelela kuli Njambi simbu yoshe ali yeni, vakwetu, yeni vaje vaazema Mwene. Omwo Njambi wamyangwile kupwa vakulivanga kukwamena a nzili ya Munzinzime nakumipwisa vanu vendi vakujela, na akukulaela kweni mu vushunga. (1 Petulu 1:2)

Tito 3:5,6 ikeye watwovwele. Kesi ngwe ku vilinga vyetu vavenya vyakushungama vitwalingile embwe, oloni omwo ku kutetela kwendi vavenya ngeci watwovwele, ali Munzinzime Wakujela uje natwana kusemuka kwakuhwa na mwonyo wauha akutukusha. 6 Njambi wetilile mu vungi Munzinzime Wakujela ali yetu ali Yesu Kilistu Muyoyesi wetu,

VaHevelu 2:4 Co a simbu ije vene Njambi wawezeleleko vukaleo vwendi ku vukaleo vwavo mukulinga vizivukiso na vikomoweso vyakuliseza-seza namukupangezela vwana vwa Munzinzime Wakujela ngwe ku cizango cendi.

VaHevelu 10:15 Co Munzinzime Wakujela alinakutumwesa lalo vukaleo vwendi. Omo wendekele akulivanga ngeci Shukulu Kalunga alinakwendeka ngwendi,

1 Petulu 1:2 Yeni vamyangwile ku cizango ca Njambi Tatetu, co vamijelesese na Munzinzime wendi ngeci mwononoke kuli Yesu Kilistu nakumijelesa na maninga endi. Kutetela na kwoloka vikale amo neni.

2 Petulu 1:21 Omwo kukwesi liji lya vuka-kwimaneana lyezile kutunda ku cizango ca munu, oloni vanu vavatwamenenene kuli Munzinzime Wakujela omo vambulwile liji lye lyatundile kuli Njambi.

1 Yowano 4:2 Omu mukemwo mukazivuka ngweni kuma Munzinzime wa Njambi unafu vati, woshe uje atava ngwendi Yesu Kilistu wezile mu cisemwa ca vunu ikeye ali na Munzinzime wakutunda kuli Njambi.

1 Yowano 5:7,8 Co Munzinzime nasholola vukaleo ngwendi eci cinapu vushunga, omwo Munzinzime wapwa vushunga. 8 Kuli vakaleo vatatu, Munzinzime na mema na maninga, co vyoshe evi vitatu vyalitombola mu vukaleo vwavyo.

Yunda 1:20 Oloni yeni vasamba vange, koleseni mukukulaela kweni kwakujela. Co lombeleni nzili ya Munzinzime Wakujela,